



Dwend.

„'s Will Dwend werre, ehr Kinner erei"!
Die Nachdeile fliehn um die Bredder,
Die Millich gedrunf un eieren Brei
Geleffeld un dann in die Bedder,
Es Meilche gebuzd un schä" umgelehd,
Vißbedd haschde aah schun gebeed?
Schäm dich, daß ich sowas muß saache,
Wer schenkt deer dann all die Dahe?

Franz loß mer die Aerem schä" unner de Deck
Un schdrampel nedd so middem Bääanche;
Wasß isß dann, du bischd doch e aldi Zegg!
Wasß haschde schun wirrer dann, Lenche?"
„Ei 's Vißbedd, deß machd sich so bräd im Bedd!"
„Inneh", glaabs nor nedd, ich bin's nedd,
Es isseß, es hodd zu seim Risse
Aah mein's noch an sich gerisse!"

„Waard Perer, ich helf dr, loschd 's Fritzje geh,
Sei ruhig mei" Hammel, mei" Scheefche,

Der muß aah barfußig schloofe geh'
Denn schberrn mer enunner in's Heefche."
„Ja Mudder, do bin ich nedd Schuld alläh",
De Fritz do der pezd mich als in die Bän
Un dhud um de Hals mich als fralle,
Un deß loß ich mer nedd gefalle."

„Alloh ehr Kinner, jezd awer mol Ruh
Schun nemm ich ähns glei" am Wiggel.
Schdill leije blibb, un die Aue jezd zu,
Waß saah' ich's 'm Belzeniggel.
Der isß kän Freind vun so Lumbepagg
Der schdobbd eich all in sei" großer Sagg
Un dhud eich midd Zaßle un Hecke,
Im Arischdkinnche sei" Dwe schdecke.

Gehrner, do dabbd er die Drebb schun eruff,
Er werdd an die Dehr glei klobbe,
Ich lossen erei", ich machem uff
Wie ner nedd lossen deß Zobbe."
Do schdellld sich's klän Fritzje in die Geh:
„Denn Belzniggel, Mudder, denn loß nor geh,
Do kenn ich viel besser sei" Dabbe,
Siehschdes, es isß de Babbe."